

Nuorttanaste

Bajasrakadus- ja čuvvgitusbladde samidi.

»Gæca mon boadam farga«

»Leket maidai digis garvvasak.«

No. 22.

30ad November 1902.

4ad jakkodak.

Hærra balvvalus.

»Go mi læp bestujuvvum min vašalažaidæmek giedain erit, galggap mi balvvalet su alma balotaga bassevuoda ja vanhurskesvuoda siste su oudast buok min ællembeividæmek siste.« Luk. 1, 71—74.

Dak sanek celkkek migjidi čielgaset, atte i oktage mate balvvalet Hærra bassevuodast ja vanhurskesvuodast oudal go læ bestujuvvum su vašalažaines.

Go dam lakkai læ, de ferttep mi jærrat: Mak læk dak vašalažak, maina dat olmuš, gutte duottavuodast galgga balvvalet Hærra, fertte bestujuvvut?

Ibmela manast læk manga vašalaža, mak aiggok hettet su balvvalæmest Ibmela. Mi dast aigop čajetet čuovvovažaid:

1. Suddo. Dak, gutte suddo dakka, læ suddo slava. Joh. 8, 34. Ouddal go mi mattep Ibmela balvvalet, nuftgo si, guđek ævtodatolažat ja iloin dakkek Ibmel dato, ferttep mi læt bestujuvvum sikke suddo vælgest ja suddo famost. Dalle go di læidek suddo balvvalægjek, læidek di fria. Mutto dal go di lepet friadakkujuvvum suddost ja šaddam Ibmel balvvalægjen, læ dist šaddo bassendakkujubmai.

2. Maielmest læ stuora fabmo sin buokai bagjel, guđek rakistek dam. Allet rakist maielne, alletge daid omid, mak læk maielmest; Jos guttege rakist maielme, de ačče rakisvuotta i læk su siste. Rakisvuotta maielmai ja rakisvuotta Ibmeli æba mate ovta ja sæmma vaimost asat. Damditi i mate oktage balvvalet guokte hærra; dastgo son daihe vašota dam nubbe ja dam nubbe fast rakis-

ta, daihe son adna ječas dam nubbe lutte ja dam nubbe fast bagjelgæčča; epet di mate balvvalet Ibmela ja mammona. Math. 6, 24. Min aige læk manga olbma ja nissona, guđek gæččalet balvvalet Ibmela, mutto si æi sate dam; dastgo maielmest læ fabmo sin bagjel. Mi ferttep čovddujuvvut maielmest, ouddalgo mi Ibmel mattep balvvalet.

3. Laga slavavuotta. Dast i læk galle, atte olmuš bestujuvvu bahas dagoin. Mi ferttep maidai bestujuvvut jabma dagoin, dak læk daggar dagok, maid lundolaš olmuš dakka dævdem diti Ibmel laga dam doavost, atte son daggo bokte vælta juoga bahast daihe juksa juoga buore. Mutto Hebreargirje čalle cælkka, atte Kristus jami butestam diti min oamedovdo jabma dagoin balvvalet dam ælle Ibmela. Go aige dievasvuotta bođi, de vuolgati Ibmel su barnes, riegadam nissonest, riegadam laga vuolde, vai son luovos oastaši sin, guđek laga vulučak legje, vai barnalaš valljijume mi ožušæimek. I læk galle nuftgo slavak laga vuolde, mutto nuftgo Ibmel manak mi galggap ja mattep su jægadet. Damditi berrep mi friadakkujuvvut laga baggost, ouddalgo mi mattep Ibmela balvvalet.

4. Olbmu ječas oažže læ ollo kristalažain dat stuoremus, mi fertte bagjelvuittujuvvut, go si Ibmela aiggok balvvalet. Nuft gukka go oažže oažžo radđit ja olbmu ječas miella, nuft gukka gæčča olmuš aivestassi dasa mi sudnji aldis gulla ja jærra: Lægo dat mudnji burist dokkalaš vai i, bukta go dat vuoto daihe tapa, morraš daihe ilo?

Mutto mi æp sate balvvalet Ibmela, ouddalgo mi læp bigjam ješječamek oktan buok daina, mi min læ,

Ibmel ala. Mi æp satte oktanaga min ječamek ja Ibmela miela mielde dakkat. Ik alma don likoši, jos du balvvalægjek sæmma aigest, go si du barggost galggašegje læt, alggek ječaset bargo doaimatet. Gæca Kristusa. Son i boattam dam varast ædnam ala atte son galgai balvvaluvvut. Paulus i ællam su ječas diti, mutto Kristus diti, gutte læi jabman su oudast. Nuft ferttep maidai mi friadakkujuvvut aldamek, jos mi galggap sattep Ibmela balvvalet.

5. Olbmuk. Alle gæca æra olbmui ala, mutto gæca aivestassi Ibmel ala. Alle jæra likojekgo olbmuk dudnji vai æi. Ibmel i satam Mosesa balvvalægjenes adnet dallego son duoko deiki gæcai ouddalgo ægyptalaža sorbmi. Di lepet divrraset ostujuvvum, damditi allet šadda olmušslavak. »Jos mon gæččalifčim olbnuidi dokkit, de mon dalle im lifčei Kristusa balvvalægje« cælkka Paulus.

Nuft ferttep maidai mi friadakkujuvvut olmuin — olmuš balost ja olmuš likomest, ouddalgo mi rievtoi mattep Ibmela balvvalet.

Jos don mu ustebam læk gærggad balvvalet Hærra, de læ son sikke goerggad ja famolaš du balvvalægjenes dokkalažžan dakkat. Son i aigo dušše du bæstet daina dast namatuvvum vašalažain; mutto son aiggo maidai dævdet du daggar rakisvuodain sudnji ja sigjidi, guđek su rakistet, atte don buok dingain ocak su gudne ja du lagamužaidak bestujume.

Levitalažak boares litto aige čužžok dego ouddagovak Ibmel balvvalægjidi dam ođđa litto aigest. Si ollaset ječaidæsek adde Hærra dato mielde dakkat vela dallege, go son sin goččoi soatteverjoid guoddet sin

vieljaidæsek vuostai. Go si legje divvom ječaidæsek Ibmel ouddi nuftgo ælle oaffarak, vuostaivaldi Ibmel sin, buttesti ja vihati sin ja mærredi sin bargo tabernakkalest.

Nuft oažžop migis læt Ibmel levitak, lonistuvvum, buttestuvvum, sirijuvvum, vihatuvvum, ja mi læp ješguttege ožžom min sagjamek Kristusa rubmašest — min bargomek su oudast.

„Fredsbudet.“

Čakča ja dalvve!

Čalluvvum ja sisasaddijuvvum Čacesulost.

Dal læ fast dat čabba, čuvvgis, liegga gæsaš vassam buok su hærvasvuodaines, ja čakča læ boattam alggon dam gukkis, sevdnjis, galma dalvvai. Dal læ fast gæsse allanam dombællai ekvator daihe ædnama maddagæččai.

Go luondorikast farrijuvvu fast buok su dalvvesagjases, ja go barmoloddek fast guđdek min deika dam galbma Europa davemuš gæččai ja gaiddek gukkas oarjas liegga ædnami di gidda Europa maddagæččai, ja go ucca spalfušge guođda su bæses bonde vistegatio-ravda vuollai ja gæčča ouddal dalve dombællai Middelabe, Afrika gađdai, juksam diti ruonas palmaovsid, go vuovddek dabe ruškodok ja muorak lastaidæsek massek — de čajetuvvu, atte čakča læ boattam su sagjasis ja joavddam su aiges sisa, čuovvodedines dalve uvsu ouddi. Go muotta lebbe su vilggis ranos ædnama ala ja buolaš su jiegnalokkes dæddela čaci ala, de dalle jogak čavamest fast javotuvvek, ja erinoamašet savječaček giddačadnujuvvujek, ja go bæivašge vuollana ja aibas javkka, de dalle šadda buok dego guoros ja avddem. Oanekažat cækket: Dalle luondo rika hægga fast dego jabma, go gæsse min guođda.

O don suddolaš siello muite, atte okti joavdda minge ællem čakča juogo arad nuoravuodast daihe maņned boaresvuodast; go ækkedest maņemus dimo læ čuogjam, ja vaibmo hæitta ravkkemest, de gosa šaddak don dalle, ustebam farret, juogo alme agalaš hærvasvuoda gæssai kristalažai særvvai ja Ibmel basse engeli lusa vai agalaš gađotusa dalvvai ibmelmættomi særvvai ja gæččalægje vuoiņai lusa?

O jurdaš olmušam dam agalašvuoda ala, mi læ du ja buok olbmuid ouddabælde, dam bale go don

læk ain dabe dam arbmo aige siste, ouddalgo jabmen oudast ferttik guođdet dam suddolaš ædnamrika; dastgo du siello læ vuoiņa, ja damditi læ dat agalaš ja jabmemættom gosa juodæt cærraneš dabe erit.

Jurdaš go gærde dat mierka erit vassa, mi davja dabe birastatta du, go šeris bæivaš agalažat bagjan ja suonjardatta buok du luotaidak.

Daga Jesusa aldsesak ustebin, de farga bæsak dokko čuvvgis šærradvutti. Jos dabe morašskoadok dævddegottek du vaimo, da valdde čaba lavllagid ouddan, vai du siello fast arvostmuvva. Jurdaš atte engelin sin rikast alo læ lavla ja illo. Don nuorra! bajed alo lavllagid bajas du nuoravuoda gidast ja du čuvvgis gæsest, vai dak du boaresvuodast havskajek baittadek du vaimo sisa; dastgo dalle læ du vaimost alo dego gidđa ja gæsse. Go don nuoravuodast læk lavllom, de nuoravuoda suobman biso du muitost gidda ællem lopp.

Muite du mannavuodak aige, allege bagjelgæča du uccekašvuoda gietkamad; dastgo dast læk don vigitesvuodain bajasbagjanam du ædnad salli ja dast fast bajasšaddam dam villa maielme slama sisa. Go don dalved bajasgæčak nastedi, de jurdaš dobbe bagjen læ agalaš gæsse. Goergad alo du oskosoajaidak, vai loddasi lakai læk garves girdilet agalaš barbmoi, go du vuorasvuoda čakča joavdda, ja du nuoravuoda gidđa vassam læ, ja du ællema gæsse dakka dunnji dærvuodaid, amak fatitallat dam agalaš varnotesvuoda dalvvai.

S. A. S. — 17.

Væhaš skuvlai birra

Finmarkost.

Aigom moadde sane čallet skuvlai birra dabe Finmarkost, gost mist læk golbma giela, namalassi: Darro, Sabme ja Suobmagiella. Nuftgo dal læ ænaš baikin dabe Finmarkost skuvlaolbinak darolačak, de læ damditi arvedæmest, atte si baggijek samemaid darogiela lokkat sikke dam mi gulla religionoppi ja maidai buok æra mi gulla maielmalažži. Dat læ damditi aibas boastot, go mi gullap ja oaidnep, atte samemannak mannek skuvlai ja lokkek baggo čađa religi-

ona darogilli ja æige adde dast mai-dege, maid si lokkek, Dam darogiel baggo bokte manna dal damditi religionaoappoin Finmarkost maņas guvloi, nuft atte manga baikest Finmarkost dam gæččeld šaddek nuorra olbmuk bajas aibas sævdnjadvuoda sist ja mist læk damditi ollo nuorra olbmuk guđek dam baggoskuvlain læk gærgam dego dak guđek æi goassege læk religionoappo birra gullam, vaiko si læk čokkam skuvlast ædnag jagid.

Mu oaivel læ, atte Finmarkost buok skuvlain, gost samimanak læk galgaši religionoappo doaimatuvvut sin ječasek ædnegilli ja dasto dat mi maielmalažži gulla ožuši doaimatuvvut darogilli. Mutto dat gutte datto mannaides oappat religion darogilli, de dasa addujuvvu friavuotta. Almaken im satte cækket, atte darogiella læ darbašlaš samed. Mutto dat i galgaši baggijuvvut nuft, atte skuvla-oappo dam bokte šadda gillat. Nuftgo juokkehaš arvveda, atte olmuš i mate nubbe baggit oappat dam maid nubbe i ibmird ja maid olmuš i halid oappat, dam diedsge i oappa.

Bargop dal buok samek, dam ala, atte oažžot religionoappo samegilli skuvlain ja gæččalekop oažžot væke daina aleb olbmoin gæina læ valde skuvlai bagjel. Ædnagiguim læmon hallam guđek læk jottam daina bælosbælde baikin Finmarkost ja guoratalam skuvlai dili dai sægotuvvum gielai gaskast, ja maidai sist læ dat sæmma oaivel skuvlai birra go must, vaiko ollok sin gaskast læk darolažak guđek muina dam birra læk arvvalam. Mu halidus ja doaivo læ atte samegiella fast alggjuuvvu oappatuvvut sami gaskast ja darogiella dušše valddujuvvu dego okta faga; mutto dam ala galgga viššalet barggot.

Tanast dam 2—11—1902.

H. A. Henriksen.

Vela Væhaš skuvlai birra

Finmarkost.

Dam blade olgusadde læ maidai davja jurdašam Finmarko skuvlai ala, mutto i læk goassege šaddam blađdai maidege čallet dam birra; mutto dal go Henriksen su bittaines dam birra læ sisabottam, aiggo songe moadde sane cækket.

Dat læ visses, atte juokkehaš, gutte Finmarkost jotta ja ječas oape-

sen dakka Finmarko skuvllagaskavuodáiguim daina sэгotuvvum giella-baiken, šadda fuobmat, atte min aige skuvlak dobbe gillajek stuora vaillevuoda vuolde, ja ænaš oassai sивvam dasa læ giella — dat nuft ollo same-naidai amas darogiella. Ožžok galle olbmuk cækket, maid dattok darogiela harrai Finmarko sami gaskast; mutto mon læm dam farga 11 jakkai, maid mon Finmarkost læm jottam boattam diettet, atte vuodnačigain ja varečoroj gaskast læk hui harvak vel olles olbmuinge, guđek darogiela mattek dammađe atte ibmerdek girjelokkamest favdnadet, Buok daina vuonain Hammærfesta rajest gidda Ruoša rajе ragjai æi læk galles, guđek dammađe sælve ožžok lokkam gielast, atte ollaset sistdoalo ibmerdet. Mon cækkam dam vissesvuodain; dastgo mon dieđam dam. Go mon mutto-min læm dolvodam samegiel bibalid farost ja læm galggam dai addet vaivašidi, de mon læm vuost gæččalam sin logatet; dastgo mon læm jurdašam, atte dast i læk avkke bibala daggari addet, gutte i matte lokkat, ja go muuttomak dasto æi læk sattam ædnesek giela lokkat, de mon læm gæččalam sin darogilli logatet, mutto si æi læk damge sattam, mon læm dasto jærran: »Mast boatta dat, atte di epet mate goabbase giela?» Si læk vastedam: »Mi læimek galle alggam samegiela lokkat, mutto go mi læimek dam skuvlain oappagoattam, de bigje min darogilli, ja mi æp šaddam riftes lakai oappat goabbase giela, mi sækkanæimek dasa.« Dak, guđek dam læk mudnji cækkam, læk læmaš vuoras lagan olbmuk daihe goit gaskaakkašažat. Alma lifči buoreb, atte dak, guđek juo legje alggam ædnesek giela lokkat, lifči ožžom ollašuttet dam gilli, de si dalle lifči mattam dam lokkat, ja sigjidi læi dalle bibal sattet geiggijuvvut.

Ja go vanhema æi mate darogiela, de si dam æi satte oapatet manaidasasek, ja mi diettep, atte jos manna sidast i šadda oapatuvvut, de dušše dam moadde varko skuvlain, mi dolluvvum jagest, šadda manna ila uccan oappat. Okta ædne celki mudnji gieskad: »Mu nieidda i oro oappamen maidege skuvlain, galle mai vigga lokkat dai darogiel girjid, mutto i dat obba addege daina maidege.«

»Ikgo don væked du nieidak?« celkkim mon. »Mon im mate buorašam, darogiela sanege,« celki son. Dat læ galle juokke jurdašægje olmui arvedatte, atte go sidast i gullo mikke oerago samegiella, de manna i matte darogiela oappat dušše dam moadde skuvlavakkost. Dam rægjai læ galle læmaš nuft, atte Tromsa seminariu læ oappatam samegiela dai di skuvlaolbmuidi, guđek Finmarkoi galggek; mutto mu mielast læ čajetam nuft, atte oapatægjek dam ođđa mærradusa mielde æi oazžo skuvlain adnet væhašge samegiela, goit læ nuft dabe mærragadin, im dieđe moft læža Guovddageinost ja Garašjogast. Muttom baiken oainam mon, atte skuvlastivrek valddek oapatægjek gukken madden — daggariid, guđek æi sanege læt oappam samegiela. Ja dat læ arvedæmest, atte dak manak, guđek bottek vuodnačiegain, gost i gullu goassege darogiella, æi matte ibmerdet dam maid si bijatallet lokkat, dat læ sigjidi dego migjidi franska ja engelas giella. Ja jos si vela oppekke bogstavaid ja sanid cækket, de dak almaken æi oazžo dast avke, go si dam æi ibmerd. Okta Finmarko papain, gutte dal læ madas mannam, muittali mudnji, atte sust læi okta komfirmanta, gutte i diettam, mi Bassevuoina læi samegilli. Son galle mati šad artikkala darogilli lokkat; mutto go pappa jærai: »Mi læ »Helligaand« samegili,« de son dam i sattam muittalet. Atte samegiella i adnujuvvu sameskuvlain dat i læk skuvlaolbmai ige papai sивva; mutto dat mærraduvvu aleb stivrijuumest, ja sikke papak ja skuvla-olbmak ferttijek dam mærradusa mielde dakkat.

Orro gal muge mielast nuft, atte sameskuvlain berreši juobe religionage oappatuvvut oedne gilli, vuost læ min aige skuvlain uccan religionoappo, ja go datge i šadda ibmerduvvut, moft dat dalle matta su duojes dugjot mana vaimost, ja moft matta dat siebmanen šaddat, mi bajasboccida ravasmam beivi siste. Dak manak, guđek æi ibmer darogiela berrijek ainarak religiongirjidæsek oazžot oappat ædnesek gilli, ja vanhemi gaibbadus dasa læ sikke vanhurskes ja darbašlaš.

Darogiella galle oppuvvum ællema skuvlast alma daggar baggotaga. Aelatussoatte dam oapata.

Værrе Kristusak.

Persiašt læ čuožželam okta ođđa sierrascærvve, mi goččuvvum **Babismán**. Dat čoaggana muttom værrе profeta birra, gæn namma læ **Abbas Efendas**, gutte lokka ječas læt dat lonistægje, gæn birra boares testamenta sardno. Muittaluvvu, atte son juo læ ožžom ollo mattajægjid, guđek sudnji rokkadallek dego mesiassi.

Vela Amerikašge læ dat værrе mesias vuottam aldis mattajægjid stuora joavko, erinoamašet Washingtonast ja Baltimorést, gost su religion viddidægje namatuvvu »persalaš profetan.«

Dat »persalaš profeta,« muittala Chikago-blæde, oappaladduvvui muttom bargin Hærra vinegardest, gæidi son stuora roakkadvuodai ja burist valljijuvvum saniguim ouddandoalai Babbisma imašlaš værrе oapo.

Garvotuvvum lulle-ædnamlas bivtasčerdain turbanin oaivest vuostai valdi »dat persalaš profeta« oappaladdid usteblašat ja — arvvaladdamin atte si legje Judalažat — celki son, atte nuftgo Jesus bođi sin hagjet, de son dal boatta sin čoagget. »Mon læm deiki boattam muittalet digjidi dam ilolaš saga, ja juokkehaš, gutte aiggo oamastet ja oskot mesias ala — dam mesias ala, gutte dal læ Persiai boattam — su namma galgga ællema girjai čalluvvut. Boares testamenta einostusak læk dal devdduvvum; son sisačoagga su olbmuides. Jesus læ hærra, ja son læ dal Persiašt sisačoaggen varast sin, guđek galggek suina radđit hærvasvuodast. Obba Israel galgga šaddat su albmugen, ja buok olmuš-čærdak galggek ovatastattuvvut singuim ja šaddat Israel balvvalægjen, ja dak Judalažak, guđek oamastek ja oskok dam mesias ala, gutte Persiašt læ, galggek hærvasvuodá siste bagjelmannat buok æraid šærradvuodast.«

Sarnodæme vuolde almostatti »profeta« stuora dieđo Basse čallagest, ja dam son dieđostge čilggi su oaivles mielde. Son maidai muittali, atte son ouddal læi muhamedanalaš, ja læi vašalaš sikke Judalažaidi ja kristalažaidi; mutto go son oazoi oaidnet mesiasa Persiašt, dagai son jorggalusa. Son oazoi dasto almostusa ja algi dallanaga sardnedet dam mesias

birra gutte dal læ oažžai boattam Persiast.

Son lokka læt ječas jorggalam ollo olbmuid.

Sodnabæive dastmannel legje dak oappaladdek »profeta« ibmelbalv- valusast Baltimorest Stuora joavkko guldalægjek legje boattam. Dollavav- no orostambaikkai legje juo ollo nis- sonak čoaččanam »profeta« vuostai- valddet ja su čuovvot dam stuora sal- li, gost »ibmelbalvvalus« galgai dollu- juvvut.

*

Londonest læ maidai čuožželam okta værre Kristus, su namma læ **I. H. Pigott**. Son læ ouddal gul- lam Frelsesarmeai ja læ sadnedam maidai dabe Norgast. Su birra muit- talek avisak:

Su sierrasærve ouddanloaidasti sodnabæive dam 14ad september vuos- tas gærde. Si dalle vihategje sin ođ- da girkošek, mi læi juokke dafhost hærvvajek ja čabbad rakaduvvum. Dam sierrasærve lattok orro læne riggak; dastgo buokak botte si gir- koi vuoje sin ječasek hæstain. Gir- kost legje 300 særvegoddelatto ja arvo mielde 200 »appeoskolaža.« Dak manemusak adne stuora väita- lasvuoda ja dolle hirmos spetakkala, go Pigott sarnedi, atte son læ Kris- tus, gutte nubbadassi almostatta ječas olbmuidi.

Tækstam su sardnases valdi Pi- gott 1 Kor. 1, 25: »Dastgo Ibmel jallavuotta læ visasæbbo go olbmui visesvuotta, ja Ibmel hægjovuotta læ gievrab go olbmui gievravuotta.« Čilggitussan dasa celki son: »Hærra aiggo dal čajetet dai sani duottavuoda olbmuidi. Mon im læk dam særve- godde pappa; mutto mon læm Ibmel bardne, gutte fast læm oažžai boat- tam. Mon læm boattam jeddit olb- muidam ja valddet sin agalaš ælle- mi.«

Go si, guđek su ala æi oskom, dam gulle, de sutte si hirbmadet ja dakke stuora moive. Olgobællai dam girko legje čoaččanam arvo mielde 5000 olbmui, ja i lifči galle burist mannam profetai, jos poletiak æi læm gaski mannat ja væketet.

Sæmma aige manai »Frelsesar- mea« mædda ja lavloi dam čabba lavllaga:

»Go son boatta, mi su dovddap; dastgo sarjek læk su gieđain.«

Olmušalmug algi dasto čuorv- vot Pigotti: »Čajet migjidi du gie- đaidak!« Mutto go son gieđaides ba- jedi, oidne si, atte sust legje facak, mak vilggis linest legje rakaduvvum. Dat skælbma læi juo oudeb munest rekinastam buok vejolašvuodaid, dam- diti læi son gokčam daid lattoid, mak lifči mattam duodastet su vuos- tai.

Jesus celki, atte manemus aigin galggek boattet ædnagak su namast ja cækket: »Mon læm Kristus.« Ja si galggek čagjadattet ædnagid. Man- ga værre profeta galggek maidai čuož- žilet ja čagjadattet ædnagid [Math. 24] Mi berrep nabbo dalle vuorddet dag- gar čagjedegjid, ja dat aige go si ba- jasčuožželek, læ »bakčasi« alggatam- aigge.

„Nuorttanaste“ lokkidi.

Ođđa jage rajest orosta »Nuort- tanaste« buokaidi, guđek dam jakkoda- ga oudast æi læk maksam, daidi, gu- đek maksam læk saddijuvvu blađe nufgo ouddal, mutto jos læ oktage daina, gutte boatte jakkai šat i aigo blađe doallat, de dakkus son nuft bu- rist atte čalla olgusaddai brævakoarta ala dam birra. Brævakoartta ostu- juvvu poastaviesost, ja dat i mavse æmbo go vita øra.

Aica dam!

Bapparak ja komvuluttak pren- tejuvvum namain mattek dinggu- juvvut „Nuorttanaste“ olgusad- dest. Ovtta kruvna oudast sad- dijuvvujek 50 arka buorre čal- lembaber ja 50 komvulutta fria poastast. Namma læ dasto pren- tejuvvum sikke bappirarkai ja komvuluttai ala. Gutte æmbo valdda oažžo væhas halbed.

Muttom suorggatatte talak.

Maielmest gavdnujek:

Almos laga bagjelduomek	107,000,000
Jukke	5,000,000
Vaivvašak	65,000,000
Jorralam nissonak	1,000,000
Ješječasek sorbmijægjek	
(ovta jakkelogest)	1,890,000
Bakenak, mak dovddujek	894,000,000
Slavak æi læk ucceb go	1,000,000
Olmušborrek	10,000,000

Duodai læ lagjo stuores ja barg- ek harvak.

»Vulget buok maielme mietta ja sardnedeket evangeliama buok sivd- nadussi!«

Maid læk don, lokke, dakkam dam jorralam olmušvuoda gagjom diti?

Maid Kristusa rakis- vuotta vægja.

Kristalaš girko vuostas aigest, šaddai Antiokia gavpugest okta osko- laš gessujuvvum ouddan martyrjab- memi.

»Jæra gænikkinessi ucca mana- sest« celki son, »goabba læ buorre- rokkadallat dam rakis Ibmeli, alne- ja ædnam sivdnedægjai, ja lonistæg- jai, gutte læ famlaš min bæstet, dai- he rokkadallat daidi ollo værre Ibme- lidi, gæidi bakenak rokkadallek?«

Dal dappatuvvai, atte okta kris- talaš ædne læi boattam dam baikkai su ucce gandaines, gutte læi 9 jage boares, ja gæn namma læi Cyril.

Go dat bakenlaš duobmar gulai martyra sane, gæččagođi son mana ala, ja son haledi, atte manast galgai jerrujuvvut.

Gačaldak dakkujuvvui, ja buo- kak dego hæketegje, go manna vas- tedi: »Ibmel læ okta, ja Jesus Kris- tus læ okta ačines.«

Duobmar suttai hirbmadet. »Voi- don varnotes kristalaš, don læk ma- nak oapatam dam lakai vastedet,« celki son.

Go son dasto sarnotallagođi gan- da, læi su jiedna vøhaš lađdasæbbo. Son jærai: »Cælle mudnji, manna, gæst oppek don dam?«

Gandda gæččast ædnes muodoi- di ja celki: »Ibmel armo bokte oapa- ti mu ædnam mudnji dam.«

»Gal mi dast dal oaidnep, maid Ibmel rakisvuotta dakkat matta du oudast,« celki dat vaibmoladesmættom duobmar; ja sævveji muttomi, gutte dallanaga doppi ganda.

Lasetuvvu.

„Nuorttanaste“

olgušboatta 2 gærde manost — dam 15ad ja dam 30ad bæive juokke manost — ja maksa kr. 1,00 — ovtta kruvna jakkodagast ja krnonobæle daihe 50 øra jakkebælest.

Blædde matta dingujuvvut juokke poastarappe lutte, komiŝonarai lutte ja olgosaddest G. F. Lund Sigerfjord Vester- aalen.

»Nuorttanaste čalle prentejægje ja olgosadde læ G. F. Lund Sigerfjord, Vesteraalen.